

# Deklarasi UM akan diserahkan kepada PM

UM 2 JUL 2001  
KUALA LUMPUR 1 Julai — Deklarasi Universiti Malaya (UM) hasil Simposium Penegasan Arah Tuju Idealisme Mahasiswa di Alaf Baru di UM, akan diserahkan kepada Perdana Menteri, Datuk Seri Dr. Mahathir Mohamad.

Pengerusi simposium, Tan Sri Rahim Tamby Chik berkata, deklarası berbentuk memorandum itu mengandungi dua saranan melibatkan soal perjuangan golongan mahasiswa di institusi pengajian tinggi negara.

Katanya, saranan itu ialah memastikan idealisme perjuangan mahasiswa selari dengan matlamat pembangunan negara dan juga menu-

buhkan tabung khas yang bebas untuk membolehkan mahasiswa menjalankan kajian ilmiah tentang permasalahan masyarakat.

“Melalui tabung khas ini mahasiswa boleh turun ke padang membuat penyelidikan serta menyiasat secara ilmiah isu seperti kemiskinan, keruntuhan akhlak dan lain-lain.

“Dengan ini barulah menaikkan imej mahasiswa bukan hanya pandai berkata-kata yang memanasakan telinga tetapi bersama-sama memajukan negara,” katanya.

Beliau berkata demikian dalam ucapan alu-aluannya pada majlis penutup simposium itu di Auditorium Perdanasiswa UM, hari ini.